




Republika e Kosovës
Republika Kosova – Republic of Kosovo
Komuna e Vitisë
Opština Vitina – Municipality of Viti



PROPOZIM RREGULLORE
PËR
MËNYRËN E MENAXHIMIT DHE KUSHTET E
SHFRYTËZIMIT TË OBJEKTEVE SPORTIVE PUBLIKE

Viti, 08 maj 2019

Në bazë të nenit 58, shkronja h të Ligjit për Vetëqeverisje Lokale Nr.03/L-40 (Gazeta Zyrtare e Kuvendit të Republikës së Kosovës Nr.28/2008), neni 13 i Udhëzimi Administrativ (MAPL) Nr.04/2018, për Transparencën në Komuna, neni 7 i Udhëzimi Administrativ (MAPL) Nr.06/2018, për standardet minimale të konsultimit publik në komuna, neni 50.1, shkronja I të Statutit të Komunës së Vitisë Nr.01-013/491, të datës 21.04.2011, kryetari i Komunës së Vitisë, paraqet këtë:

PROPOZIM RREGULLORE

për mënyrën dhe kushtet e menaxhimit dhe shfrytëzimit të objekteve dhe fushave sportive publike

Neni 1

Kjo rregullore, ka për qëllim rregullimin e mënyrës së menaxhimit dhe shfrytëzimit të objekteve dhe fushave sportive publike, përjashtimisht objekteve sportive shkollore, duke ndarë përgjegjësitë: të drejtat, detyrimet, kompetencat, procedurat dhe kushtet e mirëmbajtjes për të gjitha palët të cilat janë të angazhuara për zhvillimin e aktiviteteve sportive dhe edukimin e të gjitha gjeneratave përmes sportit.

Neni 2

Objektivat

1. Kjo rregullore definon dhe rregullon çështjet:
 - a) Mënyrën e menaxhimit të objekteve sportive publike;
 - b) Funksioneve të hapësirave të objekteve sportive publike;
 - c) Të drejtën e shfrytëzimit të objekteve sportive publike;
 - d) Procedurat për marrjen në shfrytëzim të objekteve sportive publike;
 - e) Tarifatat për shfrytëzimin e objekteve sportive publike;
 - f) Mirëmbajtjes së objekteve sportive publike;
 - g) Procedura për dëmet e shkaktuara;
 - h) Të drejtën dhe kushtet për vendosjen e reklamave statike dhe lëvizëse në objekte sportive publike; dhe
 - i) Rendin shtëpiak në objektet sportive publike.

Neni 3

Përkufizime

1. "DKRS", nënkupton Drejtoria e Kulturës, Rinisë dhe Sportit;
2. "SS"- Sektori i Sportit;
3. "DF", nënkupton Drejtoria e Financave;
4. "PAT" - Personat me Aftësi të Kufizuara;
5. "Objekti Sportiv Publik", nënkupton objektin brenda dhe jashtë;
6. "Udhëheqësi i objektit sportiv publik", nënkupton personin zyrtar që kujdeset për planifikimin dhe organizimin të punëve. koordinimin me klubet, komunikimin me strukturat e komunës, kontrollin e stafit, raportimin e punës.

7. "Aktivitete Sportive" - nënkupton të gjitha organizimet nga personat fizik dhe juridik për zhvillimin e veprimtarive garuese-rekreative.
8. "Aktivitete jospportive", nënkupton të gjitha organizimet nga personat fizik dhe juridik, për zhvillimin e aktiviteteve jospportive.

Neni 4

Funksionet e objekteve sportive publike

1. Funkzioni primar i objektit sportiv publik është realizimi i aktiviteteve sportive për shkollat e sporteve, shoqatat sportive, lidhjet sportive, klubet sportive si dhe organizatat që janë të regjistruara në organet përkatëse publike.
2. Funkzioni sekondar i objektit sportiv publik është në funksion të ngjarjeve që nuk kanë karakter sportiv.
- 2.1. Aktivitetet jospportive behën me kërkesë të veçanta dhe vetëm për ato aktivitete që nuk bien në kundërshtim me rendin juridik, dispozitat ligjore dhe rregullat e moralit publik.

Neni 5

E drejta e shfrytëzimit

1. Te drejtën për shfrytëzimin e objekteve sportive publike për aktivitete sportive dhe jospportive e kanë personat fizik dhe juridik.
2. Shfrytëzuesit e objekteve sportive publike për aktivitete sportive parashtrajnë kërkesë dhe marrin pëlqim nga organi përgjegjës i DKRS-së.
3. Për te drejtën e shfrytëzimit të objekteve sportive publike për aktivitetet jospportive përveç pëlqimit, merret edhe vendimi nga DKRS.

Neni 6

Menaxhimi i objekteve sportive publike

1. Përgjegjës për menaxhimin e objekteve sportive publike është Drejtoria për Kulturë, Rini dhe Sport/Spektori për Sport në kuadër të DKRS-së.
2. Për organizimin e brendshëm strukturor vendos Kryetari i Komunës së Vitisë, me rekomandimin e Drejtorisë për Kulturë, Rini dhe Sport.
3. Zyrtarëve përgjegjës të objekteve sportive publike nuk u lejohet pa vendimin e organeve përgjegjëse komunale të bëjnë asnjë ndryshim fizik në objektin sportiv.

Neni 7

Menaxhimi i financave

1. Menaxhim financiar nënkupton përcaktimin e tarifave për shfrytëzimin e objekteve sportive publike.
2. Tarifat për shfrytëzimin e objekteve sportive publike përcaktohen sipas kësaj rregulloreje.
3. Organizimet e parapara nga Komuna e Vitisë, nga institucionet e nivelit qendror të Republikës së Kosovës, lirohen prej obligimeve financiare. Organizatat e parapara në paragrafin 4, duhet të paguajnë edhe nga të hyrat, biletat, deri në masën 10 %.
4. Tarifat për shfrytëzimin e fushës sportive ndryshojnë sipas kategorive: aktivitete shkollore, klube sportive, shkollë sportive, grupe formale dhe joformale dhe ngjarje të veçanta sportive.

5. Tarifat për shfrytëzimin e fushës sportive ndryshojnë sipas kohës së shfrytëzimit: orëve, ditëve, stinëve dhe kushteve tjera të veçanta sipas rregullores për të hyra vetanake të Komunës së Vitisë.
6. Për organizatat sportive që nuk e kanë statusin e OJQ-së, obligohen t'i bëjnë pagesat konform rregullores për të hyra vetanake të Komunës.
7. Tarifa për shfrytëzimin e objekteve sportive publike, është paraparë të rregullohet me rregulloren e të hyrave vetanake të Komunës së Vitisë.

Neni 8 **Mirëmbajtja**

1. Përgjegjësit e objekteve sportive publike, obligohen të përgatisin një paramasë dhe parallogaritë për çdo intervenim të planifikuar dhe ta parashtrorjnë si kërkesë në DKRS për vitin e ardhshëm.
2. Pjesa e intervenimeve të vogla do të bëhet nga operatorët e kontraktuar nga Komuna e Vitisë.
3. DKRS e shqyrton kërkesën e parashtruar për intervenim në mirëmbajtje dhe të njëjtën e parashih në buxhet.
4. Investimet kapitale të nevojshme në objektin sportiv realizohen nga buxheti i Komunës së Vitisë si dhe donatorët.
5. Nevojat për investime përcaktohen nga DKRS dhe aprovohen nga kryetari i Komunës.

Neni 9 **Procedurat për shfrytëzimin e objekteve sportive publike**

1. Për aktivitete sportive dhe josportive, secili person fizik dhe juridik duhet të paraqesë kërkesë me shkrim 72 orë para aktivitetit në organin kompetent.
2. Të gjitha aktivitetet që organizohen nga DKRS-ja, Komuna e Vitisë, shoqatat e dalura nga lufta e UÇK-së dhe PAK-u (Personat me Aftësi të Kufizuara), lirohen nga të gjitha obligimet, por duhet të bëjnë njoftim me shkrim pranë organeve kompetente.
3. Organizatat të cilat obligohen të bëjnë pagesa sipas nenit 7, duhet të marrin formularin e fletëpagesës në organin kompetent të DKRS-së.
4. Pagesat realizohen nëpërmjet xhirrologarisë komunale dhe ato konsiderohen si të hyra vetanake.
5. Organizatat sportive dhe josportive, duhet të paraqesin një kërkesë zyrtare, planin e punës, lejen e njoftimit të personit përgjegjës dhe çertifikatat e organizatës (regjistrimet fiskale), Ligjit për Sport.
6. Kërkesat shqyrtohen nga organi kompetent i DKRS-së dhe pas pranimin të kërkesës jepet përgjigjja në afatin ligjor sipas legjislacionit në fuqi.
7. Organi kompetent jep pëlqim për zhvillimin e aktiviteteve të tjera për të cilat nuk parashihet të nënshkruhet kontratë.
 - 7.1 Organi kompetent përpilon marrëveshja (kontratën), e cila duhet të nënshkruhet midis palëve, parashtruesit dhe shqyrtuesit për organizimet e parapara, për të cilat duhet të nënshkruhet kontratë.
8. Kontrata duhet të parashih obligimet dhe të drejtat e dy palëve si dhe lartësinë e përqindjes për zhvillimin e aktivitetit, e cila duhet të jete 30 % për DKRS-në dhe 70 % për palën kërkuese.

Neni 10

E drejta e reklamimit

1. Te gjitha palët e interesuara kanë të drejtë të reklamojnë logot e firmave të tyre.
2. Palët e interesuara për reklamim, duhet të bëjnë marrëveshje me organin kompetent, respektivisht DKRS-në.
3. Për çmimoren e reklamës vendos Drejtoria për Urbanizëm pas kërkesës së bërë nga pala e interesuar.
 - 3.1 Pala e interesuar, paraprakisht duhet të marr pëlqim në organin kompetent të DKRS-së sipas legjislacionit në fuqi për vendosjen e reklamës në përputhje me kriteret e parapara me nenin 10 paragrafi 3.
4. Mediat e shkruara dhe ato elektronike, hyrjen në objekte sportive publike e kanë falas, përveç nëse organizatat sportive e parashohin ndryshe.
5. Subjekti që merr në shfrytëzim objektin sportiv, ka të drejtë të vendos hapësirat reklamuese ku zhvillon aktivitetin sportiv.
 - 5.1 Pas përfundimit të drejtës së shfrytëzimit të objektit sportiv, subjekti është i obliguar që objektin dhe hapësirën ta kthej në gjendjen e mëparshme.
 - 5.2 Hapësirat reklamuese nuk mund të shfrytëzohen në kundërshtim me rendin juridik, dispozitat ligjore dhe rregullat e moralit publik.

Neni 11

Lokalet në objektet sportive

1. Lokalet në objekte sportive jepen në shfrytëzim për palët e interesuara sipas ligjit në fuqi për dhënien e pronave komunale në shfrytëzim. Nëse një gjë e tillë vlerësohet e favorshme pas pëlqimit për DKRS-në dhe Komunën e Vitisë.
 - 1.2 Lokalet sportive fillimisht jepen sipas prioriteteve, rezultateve, pjesëmarrjes në gara dhe garimit të rotacionit e barazisë për shoqatat, klubet, shkollat e sporteve të Komunës së Vitisë.
 - 1.3 Organizatat e lartcekura në piken 1.1 të këtij neni, hapësirat sportive s'mund t'i shfrytëzojë pa vendimin paraprak të DKRS-së.
 - 1.4 Lokalet sportive për organizata jashtë Komunës së Vitisë jepen vetëm në rast se ka hapësira të lira dhe me një pagesë të qirasë mujore.
2. Lokali duhet të veproje në përputhje të plotë me kushtet dhe kriteret e cekura në kontratën e nënshkruar pas zhvillimit të procedurave me Kryetarin e Komunës.

Neni 12

Rendi shtëpiak

1. Te gjithë shfrytëzuesit duhet ta respektojnë kodin e mirësjelljes, të miratuar nga DKRS-ja.
2. Për zyrtaret kompetentë të Komunës së Vitisë vlen Rregullorja e QRK-së, Nr.04/2015 për Kodin i Mirësjelljes në Shërbimin Civil të Republikës së Kosovës.

Neni 13

Orari

1. Objekti sportiv është ne funksion 7 ditë ne javë, duke filluar nga ora 08:00-22:00.

2. Përjashtimisht kur është duke u zhvilluar aktiviteti, orari vazhdon deri në momentin e përfundimit të aktivitetit.
3. Orari i punës për zyrtarët përgjegjës bëhet në përputhje me legjislacionin në fuqi dhe vendimeve nga DKRS-ja për organizimin e orarit.
4. Oraret tjera që nuk janë paraparë me paragrafët 1 dhe 2 të këtij neni, duhet të rezervohen me kërkesa të posaçme.
5. Orari i lokaleve që jepen në shfrytëzim, përcaktohet në përputhje me nenin 12.

Neni 14

Përgjegjësia për dëmet e shkaktuara

1. Përgjegjësinë për dëmet e shkaktuara e bart organizata nikoqire, e cila e organizon aktivitetin.
2. Për dëmin e bërë nga organizata nikoqire, DKRS-ja krijon komisionin prej tre anëtarësh, i njëri anëtar është qytetar nga nikoqiri dhe dy nga DKRS për vlerësimin e dëmit.
- 2.1 Qytetari anëtar i komisionit, caktohet nga DKRS-ja.

Neni 15

Masat ndëshkuese

1. Ndaj palëve të cilat nuk e respektojnë rregulloren, rendin shtëpiak dhe oraret, merren masa ndëshkuese, si:
 - 1.1 Vërejtje me gojë;
 - 1.2 Vërejtje me shkrim;
 - 1.3 pezullim të zhvillimit të aktiviteteve për një kohë të caktuar, 3 ,6 ose 9 muaj;
 - 1.4 Përjashtim të përhershëm nga zhvillimi i aktiviteteve dhe hapja e procedurave – ligjore;
 - 1.5. Gjyba mandatore sipas legjislacionit në fuqi.
2. Për zbatimin e masave ndëshkuese formohet komisioni, i cili propozohet nga DKRS-ja, me vendim të kryetarit të Komunës. Ky komision formohet me mandat 2 vjeçar.

Neni 16

Dispozitat përfundimtare

1. DKRS-ja është e obliguar, që t'i pajisë me një kopje (fizike apo elektronike) të rregullores të gjitha palët që e shfrytëzojnë objektin sportiv publik.
2. Ndryshimet dhe plotësimet e rregullores i bën vetëm Kuvendi i Komunës së Vitisë.
3. Kjo rregullore hyn në fuqi 15 ditë pas miratimit në Kuvendin e Komunës së Vitisë dhe pas publikimit në faqen zyrtare të Web-sajtit të Komunës së Vitisë.

Viti, 07 maj 2019

Propozuesi:
Kryetari i Komunës:
Sokol HALITI

